

十位新結經

朱九

百七十四
能九

48520




元祿九年丙子二月日重脩

皇圖鞏固 帝階綴昌

佛日增輝 懋輪崇轉

山城州天安寺法金剛院置



十住斷結經卷第九

能

姚秦涼州沙門竺佛念譯

碎身品第十五

佛告最勝菩薩摩訶薩入碎身定使菩薩入
此定具足十種如住何謂為十一切世界如
如住一切諸方如住一切劫數如住一
切衆生如住一切諸法如住一切諸菩
薩行如住一切菩薩願中如住一切衆
定中如住一切諸佛世尊如住一切地
界如住若有菩薩得此碎身定者便獲此
十如如住云何菩薩入衆生碎身定於是最
勝菩薩摩訶薩入碎身時先入身內定從身

外起入身外定從身內起入一身定從異身
起入異身定從一身起入人身定從闕义身
起入闕义身定從龍身起入龍身定從阿湏
倫身起入阿湏倫身定從天身起入天身定
從梵天身起入梵天身定從欲界身起入
天道身定從地獄身起入地獄身定從人
道身定起入人道身定從餘道定起入千身
定從一身定起入一身定從千身起入億身
定從一身定起入一身定從億身起入閻浮
里地有形衆生定從瞿耶尼有形衆生定起
入瞿耶尼有形衆生定從鬱旦曰有形衆生
定起入鬱旦曰有形衆生定從弗于逮有形

衆生定起入東方有形衆生定從三方有形
衆生定起入三方有形衆生定從四方有形
衆生定起入四方有形衆生定從一切諸海
有命形定起入一切諸海有命形定從海神
身定起入海神身定從海水種定起入海水
種定從海地種定起入海地種定從海火種
定起入海火種定從海風種定起入海風種
定從四大定起入四大定從無有法定起入
無有法定從須彌山定起入須彌山定從七
寶山定起入七寶山定從百草樹木山川石
壁定起入百草樹木山川石壁定從淨潔香
華一切寶器定起入淨潔香華一切寶器定

從一切四方上方下方一切衆生所乘服食
具定起入一切四方上方下方一切衆生所
乘服食具定從三千刹土有形衆生身定起
入三千刹土有形衆生定從三千大千刹土
有形衆生定起入三千大千有形衆生定從
億百千及三千大千刹土有形衆生定起入
億百千及三千大千刹土有形衆生定從無
限制土有形衆生定起入無限刹土有形衆
生定從無數刹土有形衆生定起入無數刹
土有形衆生定從無量佛刹土有形衆生定
起入無量佛刹土有形衆生定從無邊佛刹
土有形衆生定起入無邊佛刹土有形衆生

定從無稱佛土有形衆生定起入無稱佛土
有形衆生定從不可思議佛土有形衆生定
起入不思議佛土有形衆生定入無限無量
不可思議佛土有形衆生定從無限無量不
可思議佛土有形衆生定起入極遠有形衆
生定從極遠衆生定起入極近衆生定從極
近衆生定起入眼入定從眼入定起入耳入
定從耳入定起入眼入定入鼻入定從舌入
定起入舌入定從鼻入定起入身入定從意
入定起入自入定從自入定起入他入定從他
入定起入自入定入一切有形衆生定從阿
僧祇刹土復及無限無量不可稱計刹土起

入阿僧祇刹土復及無限無量不可稱計刹
土定從一有形衆生定起入聲聞定從辟支
佛定起入辟支佛定從聲聞定起入自身定
從佛身定起入佛身定從自身定起入一念
定從百億劫定起入百億劫定從一念定起
入現在定從現在定起入過去定從過去定
起入未來定復入三世定如是菩薩隨所入
定隨所從起入虛空界定從虛空界起最勝
當知猶如有人爲鬼所著隨彼鬼神持身所
詣不自覺知然彼鬼神託彼人身不自現形
菩薩摩訶薩亦復如是意入內定從外定起
入外定從內定起猶如有人身死神去無所

依猗更不動搖身亦不知神之所在神自受
形不知故身今為所在最勝當知菩薩摩訶
薩亦復如是初入有定分別等觀復入空定
永不見有前生後滅各不相知菩薩復當觀
猶如心自在度無極人一身能化作衆多身
衆多身還合為一識不從一身沒即時生衆
多身亦復不得識從衆多身沒生一身中不
從一至衆多不從衆多至一菩薩摩訶薩亦
如是入一身定衆多定起入衆多定一身定
起譬如地界所潤以水為本所生万物各各
不同人界鬼界悉同其潤万物亦不自知我
為所生水亦不知我為能潤菩薩摩訶薩亦

復如是得是三昧一為無數無數為一無數
不知所以為一一亦不知所以為無數是謂
最勝菩薩摩訶薩一切衆生碎身三昧第八
菩薩之所修行住是三昧者菩薩便獲佛十
号加十功德而見歎譽云何為十所謂号如
來如如修如号名為佛佛者於諸法悉覺知
從此岸至彼岸号名最勝衆生尊貴興供養
故号名一切智於一切智德悉具足故号名
無盡為一切衆生作覆護故号名導師令衆
生類示其正路故号無等倫於一切衆生法
界及諸衆智皆具足故号曰妙光一切衆生
被蒙照故号曰十力所願成辦分別法智無

者不可汙故号一切現使一切法同一自在
度無極故是謂最勝菩薩摩訶薩獲佛十号
及十稱歎功德皆是三昧威神力恩也菩薩
摩訶薩住是三昧者獲十光明而自照曜何
謂為十謂一切諸佛光明而自照曜一切世
界乘無不乘道場光明以自纏絡一切衆生
及教戒光以為香熏四無所畏無量光明法
界處所法界光明出要之明一切無欲除愛
之光化一切衆生感動光明諸佛無猗無染
著光善思光明等正覺度無極光一切法性
如尔真際光說除結患無上之光若菩薩摩
訶薩住是三昧者得此十光明而自照曜菩

薩復當善學十無跡行云何爲十意之所念
身無跡行口無行跡意無行跡空欲立處所
無行欲成行不爲有爲法不壞敗法不毀智
業習無生智覺不覺法應智辯智無形之智
義味清淨是謂菩薩摩訶薩住是三昧有若
于差特能斷緣著從一入若干種定或起或
思惟等分於等分亦不等分從小至大從大
至小從狹至廣從廣至狹屈而使舒舒而使
屈無身使有身有身使無身或起或定或定
或起有垢使無垢無垢使有垢覺此三昧者
能壞一切境界如人壞坏瓶猶如大呪之術
防護爲驗若干種色若干種聲或爲呪所禁

或爲幻聲所使呪者使役於神幻者役於外
形見幻色者眼識所攝聞幻聲者耳識所攝
嗅幻香者鼻識所攝幻所作宮殿味舌識所
攝若幻幻所作諸形質身識所攝有幻大幻
迴上爲下迴下爲上所追尋不可思量意
識所攝如是菩薩摩訶薩住是三昧者或散
或聚現若干變最勝當知今當引喻有目之
士乃達此耳猶如諸天與阿須倫共鬪諸天
得勝阿須倫不如是時阿須倫自知不如便
設權計化作浴池生種種蓮華阿須倫身長
七千由旬還隱其形及諸兵衆却退入蓮華
莖節絲孔中截諸天求而不見所謂阿須倫

善解幻法菩薩摩訶薩亦復如是成就一切
智慧之幻從一地至一地智無耗減彼彼菩
薩自相招致号菩薩者皆以智慧幻法而攝
取之如是菩薩入全身定現散法定譬如有
人若在人界若在鬼界以種子著地隨時漑
灌今得長大子入於地果生於上前子非後
子後子非前子前子不離後子後子不離前
子菩薩大士亦復如是獨受有形住此三昧
便能離有不處於有亦如男女交會男清女
濁識處其中在母胎中漸經十月宿行清淨
福願追隨形體支節轉轉充足六根成就種
性均正識與六根原本各異六根者受有之

相隨行善惡而來受形尋本來生如幻如化
菩薩大士亦復如是以增上解脫心以爲父
母智慧之識而住受生入無有定從有定起
或入有定從無有定起住此三昧者其德如
是譬如龍宮依地而住便能乘雲虛空雷電
隨時降雨多所潤澤然彼龍宮不在虛空非
龍住處於虛空中現若干變伏或翫或隨使
衆生類仰而觀之宮舍依地降雨於上變易
之法何其竒哉菩薩大士亦復如是住此三
昧及幻化之法入無相定從有相起入有相
定從無相起如是最勝菩薩住此三昧使空
爲地使地爲空亦無有難猶如天上水精光

殿舍衆寶所成若彼大自在梵天昇此殿時
舉目觀見千世界十千世界百千世界三千
大千世界其中所有天宮龍宮閼義捷沓愁
阿須倫迦留羅旃陀羅摩休勒人及非人至
三惡趣須彌山鐵圍山大鐵圍山黑山大黑
山及七寶山江河海源城郭村聚山川樹木
藥草華實好醜清濁三千大千所有形質至
虛空界微細之形梵天於彼宮殿悉遙見之
光光相照亦無微翳猶如在此人間服飾懸
在架上亦如明鏡見其面像彼天宮者亦復
如是坐起往來飲食睡眠悉在目前如掌觀
珠菩薩摩訶薩亦復如是住一切衆生碎身

定者於諸三昧而得自在獲佛自在定化衆
生自在定遊諸法自在定成就行自在定具
足增上解脫自在定於諸正受自在定出入
坐起自在定得諸智慧自在定彈指之頃以
爲一劫自在定是謂菩薩摩訶薩住此三昧
者等正覺十自在定而自娛樂菩薩摩訶薩
顯威無畏有十事云何爲十謂顯佛威曜過
虛空界不壞精進於諸壞法得度無極顯菩
薩行弘誓無畏遊如來戲口度無極顯世界
淨顯淨塵垢照曜世界顯在衆生示不思議
顯諸菩薩不斷經法顯至佛國供養禮事顯
智慧業行本不可思議故顯分別三昧而無

所畏顯入微妙定知所進趣以菩薩度而度
脫之顯淨佛國不斷菩薩誓願之法而自顯
照亦無所畏菩薩摩訶薩處在俗中現佛形
像復無所畏現轉法輪爲受化故顯諸如來
善根之本立在佛乘皆使成就顯意威足致
度無極復次菩薩摩訶薩思惟不起法忍一
一了達無數無限億百千劫所修行法皆悉
在前顯法威曜然熾道教復次菩薩摩訶薩
晝夜日月時節年歲悉能筭知菩薩用心彈
指之頃所用等智知三世事了無差違現其
無畏是謂最勝菩薩摩訶薩住此三昧者便
能顯曜諸無極得十無畏在大衆中入定正

受碎身如塵善權方便第八菩薩之所修行
身入品第十六

是時世尊告最勝曰復次菩薩摩訶薩還自
觀身身持身入悉能分別了無處所是時菩
薩入身入持法界定意於諸定中最得自在
身諸毛孔一一毛孔入法界定意三昧而得
自在於諸法界示現幻法知有前世後世分
別世法了知世界億百千事無數無限阿僧
祇劫諸佛世界其中好惡悉能達了觀等正
覺眷屬成就於淨不淨亦悉平等不斷善法
大乘不損心意牢固復不移動於彼一劫百
劫百千劫億劫百千億劫無限無量阿僧祇

不可稱計非籌所筭非意所度如是劫數諸
佛世界入正受三昧復從中起入此間定從
彼間起遊彼世界便能成熟彼衆生行不失
法界體之正法三世往來無所罣礙說法教
化有限礙者令知歸趣壞眼碎入法於諸法
界而得自在具足壞耳定度無極亦無罣礙
入鼻入定意不損善權善入舌根定意解味
所著成就碎身定往來無礙入碎意定而順
智識彼菩薩摩訶薩作如是觀作如是知住
此身入定者便獲菩薩十千億揔持於世轉
法輪隨俗而入復得十千億箇藏之行清淨
無汙復得十千億根門越一切智復得十千

億神通周遊無礙復得十千億定超過衆定
復得十千億神足遊至虛空無邊際界復得
十千億力於諸衆行漸漸增多復得十千億
求望永斷衆想復得十千億正處現無所有
復得十千億顯威神變而現在前是謂最勝
菩薩摩訶薩獲此十千億行而不虧損復次
菩薩當念修行十千億支節瓔珞而自纏裹
復當修行十千億具度衆生者復當修行十
千億乘使衆生類乘此乘得至彼岸復當修
行十千億炎定三昧照曜世界無闇冥處復
得十千億義辯無應不應復得十千億弘誓
有來觀者心不移轉復得十千億信願無邪

倒見復得十千億正路菩薩所可往來周遊
之處而淨其跡復得十千億光明從面門出
復得十千億典訓顯菩薩德復得十千億清
淨之本而淨道場是謂最勝菩薩摩訶薩無
量功德而自纏絡莊嚴道樹不失本際皆是
菩薩趣道之具若菩薩成就此眾具者便上
菩薩位而得稱譽勲以德香爲人所敬所行
眾中輒得利養現世德業不可窮盡若有菩
薩住此法界定意自在三昧者生豪族家不
處卑賤眾菩薩等以爲眷屬住此三昧已遙
見東方十億阿僧祇等如來至真等正覺名
字姓号國土大小皆悉分明南西北方四維

上下十億阿僧祇諸佛刹土及諸如來皆能
識知一一姓号立菩薩行指示道門使彼菩
薩而淨佛土放如來身無量光明現如來眼
不可思議如來耳通無能限量如來鼻通倍
不可計如來舌通廣無邊際如來心通非無
形觀如來神足無上之法所度無限如來之
道無上中下具成就故如來名稱遠流布故
如來法輪常轉不轉現世轉故如來翼從現
諮受故如來正法無量無能中絕故如來善
根現稱歎故如來行普遍論無堪當故如來
種成就於三世無不降伏故如來生一切諸
法宣示愚人故如來法處所顯現智明故如

是最勝菩薩摩訶薩現界清淨爲立處所以
佛重陰雨法甘露一切諸佛境界示有言教
現諸佛法幻形不真了諸法性興起自然不
動轉故諸法形像分別義理如來無量功德
具足不可窮盡是謂菩薩摩訶薩住此三昧
所遊之方無所罣礙復次菩薩住此三昧遊
陰持入亦無障蔽心爲幻法知無量無限無
邊之法安處諸菩薩入此定意自在三昧便
能知諸佛如來等正覺名号姓字一一名号
至十千億阿僧祇等諸佛如來一一名号至
百千億佛刹安處菩薩身皆在中住無量無
限心想意想復以無爲巧便爲立處所一切

諸法亦不妄失得度知見故常親近智海布
現智故任亦有處示現諸法無處所故爲立
佛處示現廣普諸法無前後故示現根門無
礙智慧利法善用智分別故不毀威儀爲立
諸界無任還故爲示現慧處所淨無礙智故
示現成等正覺故顯曜法界無增減故是謂
菩薩摩訶薩任此三昧中便能發趣於大乘
跡菩薩摩訶薩復當修習十趣海門而無厭
足云何爲十所謂佛海現無厭足人海動轉
不動轉化無厭足法海增益智無厭足善田
海生無厭足任無有法亦無觀行神足功德
海無處所亦無厭足顯智明海執慧無分散

故住根門海從一地至一地慧無乱錯故住
心意海盡能覺知一切衆生若干種心若干
種意知無量心有增有減住修行海具足衆
願故住弘誓海要成就究竟清淨出要故是
謂菩薩摩訶薩住此三昧便能獲此十趣海
門而無厭足菩薩大士之所修行菩薩摩訶
薩復當思惟十第一無生云何爲十所謂觀
衆生類第一一無生觀天豪尊第一二無生
觀最上梵天第一三無生觀世護心不壞第
一四無生觀在衆生獨步無侶第一五無生
觀降魔衆心定不乱第一六無生觀五趣無
形第一七無生觀諸衆生亦無染汙第一八

無生觀尊貴諸佛法第一九無生觀自在出
要顯曜第一十無生是謂菩薩摩訶薩當念
思惟此十第一無生菩薩復當思惟衆生界
所趣生有十事云何爲十所謂出家堅固化
諸衆生立不退轉行精進力清淨無著力無
染汙一切法空故休息力成就諸法自在故
成就心轉不轉力分別議故具足自然法力
成大智慧故成辦無礙力以說法故無畏力
成就爲法立處故成就意斷力未知已知智
成就無二力無生滅故是謂最勝菩薩摩訶
薩思惟此十力最大力無比力不上不下力
無量力育養力不動力善趣生力不怒力智

熾盛力勤苦積行力是謂十力當念修行復
次菩薩當善思惟十力云何爲十所謂善入
空力善清淨力善微妙力善法身力善世法
力善然法力善根寂力善未嘗有力善覺寤
力善超度力是謂菩薩摩訶薩住此十力便
能攝持定意菩薩摩訶薩復當思惟二十力
得至定門云何爲二十所謂大人之力親近
善知識力等正覺究竟力本修善根得親近
力無量善根被熏香力得如來度不度力降
心穢垢無生滅力增益菩薩念不斷力莊嚴
菩薩得歡喜力助菩薩善不斷法力除菩薩
心無緣著力充菩薩願無所求力成菩薩意

思惟定力獲菩薩根無錯亂力立法王力無
著無量身力得善權方便智慧之力於一切
法無畏難力立衆生本不漏失力於諸衆生
獨步不媿彼力是謂菩薩摩訶薩住此定者
乃應無所有力過諸羅漢辟支佛上乃能入
於菩薩定力

辯才品第十七

尔時最勝菩薩前白佛言云何菩薩具足衆
德斷衆生望充飽一切今無嫌恨佛告最勝
諦聽諦聽善思念之今當與汝善分別之菩
薩從初發心以來至于成佛要當莊嚴清淨
道場放大光明照彼境界幽冥之處皆蒙其

光其見光者心不懷懼無所畏難心遂熾盛
倍加歡喜增益功德不離淨行自淨其行修
無上道使功德業不可窮盡智無邊崖菩薩
行法亦無有邊行菩薩乘亦無有底菩薩境
界不可思議非是羅漢辟支佛所能稠量菩
薩所度復無邊幅成就衆德復無崖畔菩薩
所淨不捨弘誓菩薩出要旨示道門欲論菩
薩諸法端緒而不可得菩薩摩訶薩從無數
劫方得爲菩薩然後乃成菩薩之道有來親
近奉菩薩者增益勸發成菩薩德名稱遠聞
其聞名者皆來承事宿衛供養欲爲後世良
祐福田若有衆生見菩薩者輒爲說法無上

之智前聞法者而無猷足廣布慧明不毀法
性所以然者聞法衆生承受正教倍增智業
頒宣正訓無有耗盡菩薩摩訶薩住此三昧
中便能廣布諸善功德菩薩以無限無量不
可稱計曠大之意一一施意隨其前緣入三
昧定復從定起自省法性之觀因此三昧而
知三昧境界分別無數三昧定意觀三昧廣
普觀三昧無欲觀三昧相觀三昧所現觀三
昧威儀觀三昧猗觀三昧念觀三昧待觀三
昧喜觀三昧安隱觀三昧護觀三昧出要觀
三昧棄捨以生未生皆捨應禪悅定意雖遊
於定亦不染定最勝當知猶如阿耨達大龍

王宮殿皆七寶成阿耨達泉出四大河四門
流盈不傷生苗泉水清徹亦如虛空之色是
時四河從四門出而趣四方皆歸于海其四
河者一名恒伽從象口出二名私頭從師子
口出三名私陁從牛口出四名婆叉從馬口
出此四大河從四口出趣於四方歸于四海
恒伽大河者磳磳眞寶以爲象身流出其水
私頭大河者眞金剛寶以爲師子身流出其
水私陁大河者以瑪瑙寶以爲牛身流出其
水婆叉大河者青琉璃寶以爲馬身流出其
水此四寶者皆天上寶非人間寶此四大河
當初出處各各廣一由旬流時庠序寂無聲

響一一大河各各右遶神泉七帀皆投于海
七帀中間相去一由旬間生若干雜種蓮華
優鉢蓮華鉢頭牟華須捷提華滿願捷提華
衆寶雜珍皆生其中復有種種微妙蓮華色
甚香美若干種寶自相照明其有覩者觀無
厭足珍竒異寶視表見裏一由旬內寶寶相
照如摩尼珠靡所不曜其七重內異類衆鳥
悲哀和鳴共相娛樂復有百種神樹藥草香
風遠布徹彼隨河門境界然彼阿耨達龍宮
殿舍東西南北各五十由旬純以七寶以爲
校飾復以若干種異色摩尼寶雜廁其間復
以摩尼寶珠懸在虛空以爲日月星辰羅列

虛空牛頭栴檀薪以用供廚於宮殿中一日
三時雨衆香華優鉢蓮華拘牟頭華分陞利
華須捷提華滿願健提華若干種寶以成宮
殿光光相照明明相續如彼阿耨達泉出四
大河從四口流趣于四海菩薩摩訶薩亦復
如是得四辯才無滯之河分別四道歸於智
海如彼恒伽河者車渠真實所成從象口出
水流至於海菩薩摩訶薩亦復如是從青白
法口出無量義盡是如來秘藏之筮解暢深
義皆令諸法各得名字布現法味然智光明
皆使投于無邊智海譬猶如彼私頭大河真
金剛寶以成其體從師子口流至於海菩薩

大士亦復如是演出法辯御佛金剛護諸生
類使得照明執智金剛投無礙海如彼私陁
大河瑪瑙寶所成從牛口出流至于海菩薩
摩訶薩亦復如是演出應辯有疑滯者永無
猶豫亦使衆生無諍訟者隨機報應分別義
趣使衆生類純熟其行皆令歸趣無緣著海
猶如婆槎大河青琉璃所成從馬口出悉投
於海菩薩摩訶薩亦復如是得無盡辯思惟
諸法億百千劫於中示現而無窮盡善法營
護將至善道令諸守禁之人悉歸佛海而同
一味如彼四大江河右遶阿耨達泉七帀趣
於四方而歸四海菩薩大士亦復如是身行

成就亦不有左口行成就亦不有左意行成就亦不有左意志所修智慧爲首如彼四河趣於四方而歸于海菩薩大士亦復如是乘四智慧之辯趣于四方於是菩薩當觀一切諸佛所住之方承事禮敬不失威儀復次當現一切諸佛之法光曜執搃持法使不妄失復次現諸智度具足菩薩衆行之本復次現大慈悲處在衆生現轉法輪如彼四河遶阿耨達七帀於其中間有諸雜種優鉢蓮華拘牟頭華分陀利華須健提華滿願健提華及諸香華香熏四方菩薩摩訶薩亦復如是從初發意至成作佛於其中間化導未被訓誨

衆生勸進說法至不退轉爲演正受從億百
千劫亦無疲極一人不度終不捨之淨佛國
土嚴治住地入師子步定意三昧進向道樹
意如金剛而無異難如彼阿耨達泉七重之
內生七寶樹以自莊飾衆果香華不可稱量
菩薩摩訶薩亦復如是莊嚴佛土清淨之國
生三十七道樹之華覺觀道心思惟正法如
彼阿耨達宮殿縱廣五十由旬清淨無瑕穢
亦無風塵雜垢菩薩摩訶薩亦復如是道心
清淨而無瑕穢內懷種種善本功德具足無
量定意法門猶如阿耨達泉以牛頭栴檀及
衆雜寶以爲垣牆菩薩摩訶薩亦復如是道

心所念十億百千智所見圍遶不缺所誓本
無心通成心通行智業成就衆善根本悉爲
清淨猶如阿耨達宮內純以真珠琥珀以廁
其地出若干種光靡不照曜菩薩摩訶薩亦
復如是入極微智意所規度不可思議將護
衆生出無憂澤以若干種珍寶瓔珞而自莊
嚴亦不毀壞法界體性住諸如來無爲定室
意之所趣終不退轉如彼阿耨達龍王與諸
小龍而作覆護有恐懼者使無所畏左右神
龍皆有威德及海中諸小龍王皆來朝賀菩
薩摩訶薩亦復如是爲一切有形衆生懷恐
怖者而作覆護隨時將育令無怨恨界內越

界心等如空雖處於世布慧光明將護萌類
如身無異如彼阿耨達泉出四江河遍閻浮
地詰屈周障而歸于海所經過處多所潤澤
菩薩摩訶薩亦復如是乘四智之海載諸天
及人魔若魔天釋梵諸天人及非人皆使趣
於大智之海發於無上正真之道十力無畏
十八事不共至道樹下終不退轉所謂四智
何者一曰願智之河恒常誓願度衆生故亦
不猗內身無所著二曰具足智度無邊之河
淨菩薩道攝一切界來往周旋亦無所著所
聞無盡亦不有盡出三世智演非常若空非
身之義三曰菩薩定意智海以無央數定而

自莊嚴遊至十方諸佛刹土礼事供養諸佛
世尊演出諸佛無源之海第四名曰大慈悲
河使衆生類安處慈悲立不退轉拔一切苦
使無熱惱復以無數善權方便導彼前進無
所願戀十力之海多積珍寶有緣著者知趣
所歸如彼阿耨達泉出四大河悉歸于海無
盡無窮不可思議菩薩摩訶薩亦復如是得
增上弘誓成就願智修菩薩行智慧觀法亦
不可盡成無上道而無疑滯亦知諸佛普集
定意以佛所樂而娛樂之如彼阿耨達泉出
四大河夫一河者分爲五百支一一五百悉
歸于海不燒衆生無所傷害菩薩摩訶薩亦

復如是依猗弘誓之慧志不移動修普濟之
行慈及一切現有相無相覺一切法行無礙
智不斷法本教令出要住無礙地猶如阿耨
達泉七重中間生若干種珍竒寶物光光相
照與日光同明所照之處百倍千倍悉蒙其
明有目之士觀阿耨達宮五色玄黃如日在
空靡不蒙賴各各形質自有光明不相逼迫
寶寶相敷出若干聲聲甚柔輒聽無厭足菩
薩摩訶薩亦復如是住此法界自在定意觀
一一毛孔無數無量億百千如來及佛刹土菩
薩弟子衆會多少聽聞法味執持不忘晝夜
諷誦如救彼人溺于深淵現如來身遍諸世

界不可思議不可度量復往親近諸佛世界
禮事供養現聞法味於百千劫所入定意亦
不見長亦不見短亦不見大復不見小菩薩
觀見一一毛孔諸佛如來國土城郭弟子翼
從衆生多少若干種形言辭不同周旋往來
隨意所造各隨志願共相娛樂亦不見進復
不見寬所以者何其有菩薩入法界定意者
心微難見亦無形質行跡極細無以爲喻生
生自壞亦不自知三昧境界不可思議思惟
禪行所遊境界無能思議諸佛住處亦無處
所顯佛威儀不可窮極難爲難行終不中捨
失菩薩行越諸魔界不牢固者安處無爲獲

清淨德具足如來十力大要欲求無上無限
之業修行正法深妙之義不以爲難菩薩摩
訶薩亦復如是隨其心意一念之頃從三昧
起知三世事尋能分別善惡所趣於諸法界
而得自在亦不猗內復不猗外推尋本末不
見端緒都無處所亦不見相以度衆相辯諸
義辯遊佛國界禮事供養亦無猒足入諸法
界思惟分別盡其原本不處無爲不墮邊際
修一切智不著於智雖有往來不見周旋觀
智如化實無有化衆生等分亦復如是尋其
根本無能齊限淨諸世界不見有淨宣示衆
生苦爲何生爲從何起苦空非身無我人壽

悉無所有爲現若干無常之變不處生死不
著泥洹越一切劫度諸死地觀諸相貌意不
迷惑然彼菩薩以善權方便諦滿衆智至竟
清淨志不移易觀諸世界及諸衆生有往還
者無往還者悉今度脫使諸衆生智無減少
一切世間法界威儀次法得法不失次第觀
佛積行亦無厭足依諸佛藏致大珍寶於諸
三昧權現無礙如介自然守護無滯深法句
義所暢道教不可窮盡辯才大智分別字體
演出揔持暢若干種諸佛祕藏已以離淫亦
使衆生無淫怒癡菩薩大士無數劫中行權
方便現顯若干種種之道隨類化之今得度

脫一切諸法自然度脫不見自然度不度故
立大慈悲於諸衆生亦不見有衆生之想數
出入息有息出時有息入時了諸世界性本
自然法自常住前人行者自起識者謂為不
定不見動轉言法流馳雖化衆生不見有化
淨三戒場入如來室興諸法想心獲無畏說
法清淨而轉法輪不可毀壞道心隆盛終無
羅漢辟支定意是謂最勝菩薩摩訶薩得此
法界自在定意三昧大事增益上菩薩位終
不虛勞

闊音狹 狹咸夾反 坏瓶瓦上正 嘍許救 漑灌

上古愛反 一音既 齋天元音一猛反 架上音

下音貫 澆浹也 齋天色暗也 架上音

篋苦叶稠量 正上直流反 婆下千河反 或云婆

此河阿稱大池西面河也 垣上音素一音九 壻反 崇直庚反

逼從馬口而流出 迮入西海

城墉下郭 崇直庚反

壻反 崇直庚反

